

Mandat og prosess for nominasjon

Framleggsstillar: Fylkestyret i Vestland SV

Målet for nominasjonsprosessen er at Vestland SV skal stille i fylkestingsvalet 2027 med gode kandidatar, som er klare til å gjere ein god jobb fram mot valet – og i det nye fylkestinget.

Fylkesårsmøtet vel ei nominasjonsnemnd med fem medlemmer. Fire er direktevalde og ein er vald av Vestland Sosialistisk Ungdom. Nemnda skal veljast med ein leiar, og konstituerer elles seg sjølv. Nemnda skal få sekretærhjelp frå Vestland SV.

Open innspelsrunde

I løpet av mars skal nemnda sende informasjon til fylkeslaget sine medlemmer, lokallag, bydelslag, studentlag og Vestland SU om korleis dei kan gjere framlegg til kandidatar, og sende andre innspel til nominasjonsnemnda. Frist for å kome med innspel til nemnda skal vere søndag 3. mai 2026.

Nemnda arbeider med dei innspela og framlegga den har fått. Dei skal avklare med dei fremste listekandidatane frå førre fylkestingsval om dei ynskjer å stille på nytt, bekrefte om fremja kandidatar ynskjer å stille, og kan også sjølv leite etter kandidatar.

Krav til fylkestingslista

Nominasjonsnemnda bør innstille på ei liste der det er god balanse mellom ulike grupper, identitetar og livserfaringar. Praksisen med jamn kjønnsbalanse på lista, rangert slik at anna kvar kandidat er av ulikt kjønn, skal som regel ikkje fråvikast.

Elles gjeld reglane for nominasjon og valliste som er i vallova og i relevante forskrifter.

Fyrste runde for listeframlegg

Nominasjonsnemnda skal sende sitt fyrste utkast til fylkestingsliste på høyring til lokallag, bydelslag, studentlag og Vestland SU tysdag 1. september 2026. Desse har 20 dagar på å melde tilbake synspunkt på lista. Altså seinast måndag 21. september.

Endeleg framlegg til fylkestingsliste

Nominasjonsnemnda skal på bakgrunn av innkomne innspel lage endeleg framlegg til fylkestingsliste. Denne lista skal gjerast kjent 30 dagar før nominasjonsmøtet, altså torsdag 8. oktober. Innkalling til nominasjonsmøtet skal også sendast ut same dag.

Nominasjonsmøte

Nominasjonsmøtet skal haldast laurdag 7. november 2026. Om fylkesstyret vil endre tidspunktet, skal det avklarast innan to månadar før.

Nominasjonsmøtet vedtek eigen forretningsorden. Utsendingar som vil sende inn endringsframlegg til fylkestingslista må gjere dette seinast 5 dagar før møtet. Altså innan måndag 2. november.

Dette seier vedtektene til Vestland SV om nominasjonsarbeid for fylkestingsval:

Vestland SV sine vedtekter: <https://vestland.sv.no/vedtekter-for-vestland-sv/>

Kapittel III: Nominasjon til fylkestinget

§ 5 Nominasjon til fylkestinget

Til å stå for nominasjonen har fylkeslaget ei nominasjonsnemnd og eit nominasjonsmøte.

§ 5.1 Val av nominasjonsnemnd

Fylkesstyret legg fram tilråding på medlemmer i nominasjonsnemnd for fylkesårsmøtet året før valåret. Fylkesårsmøte vel nominasjonsnemnda.

§ 5.2 Ansvar og oppgåver

Før nominasjonsnemnda utarbeider sitt fyrste framlegg til valliste skal lokallaga og medlemmer ha høve til å kome med framlegg og innspel til nemnda. Nemnda sitt førsteutkast skal sendast på høyring til lokallaga med rimeleg tilbakemeldingsfrist, før nemnda kunngjer sitt siste framlegg til valliste.

63 Nominasjonsnemnda sitt endelege listeframlegg skal vere lokallaga i hende seinast
64 14 dagar før møtet. Elles gjeld dei reglane for nominasjon og listeinnlevering som er
65 gjevne i vallova eller i forskrifter til vallova.

66

67 **§ 5.3 Innkalling til nominasjonsmøte**

68 Fylkesstyret kallar inn til nominasjonsmøte. Kunngjering må sendast lokallaga seinast
69 30 dagar før møtet. Nominasjonsmøte skal seinast haldast som eige sær møte på
70 fylkesårsmøtet i valår.

71

72 **§ 5.4 Samansetjing av nominasjonsmøtet**

73 Nominasjonsmøtet vert sett saman etter same fordelinga som for fylkesårsmøtet.